

Fiesta di cantica pa muchanan

ORANJESTAD(AAN)- "Fiesta di Cantica" ta titulo di e cassette cu pronto lo ta ariba mercado cu cancionnan especialmente pa e muchanan. Esaki tabata un idea di Sra. Maybelline Arends Croes cu a encurasha Sr. Reeberg pa esaki. Segun Sr. Reeberg tempo cu el a cuminsa siña toca guitarra cu Sra. Maybelline el tabata tin un cantidad di cancion. Despues el a sigui desaroya mas y mas y un dia Maybelline a propone pakico e no ta trece e cancionnan ariba un cassette.

Como cantante di e cancionnan ta un hoben ya caba di 17 aña, pero segun Sr. Reeberg desde 4 aña e mucha muher Nathalie Maduro tabata canta su cancionnan tempo cu e tabata su meneer di school. Awor cu el a bin cu e idea di pone e cancionnan ariba cassette el a pidi Nathalie y e no a nenga ya cu e ta gusta canta y quizas tambe esaki lo ta comienzo di su carera artistica.

Tur e cancionnan ariba e cassette ta na Papiamento y ta composita pa Sr. Robert Reeberg. Segun Sr. Reeberg e cassette aki el a dedica na su señora ya cu cada vez su casa kende ta un juffrouw di school tabata pidie pa traha un cantica pe ariba e topico cu nan ta bay trata na school. Juffrouw Hetwig tabata duna sr. Reeberg e topico y e tabata traha un cancion masha simpel pa e muchanan cu tabata encanta e



cancionnan.

E cancionnan ta varia entre tumba, mazurka, wals, merengue, samba, marcha etc. Tur ta masha simpel y ta facil pa e muchanan siña nan.

E intencion di e cassette cu sr. Reeberg a graba, el a bisa ta pa mas parti pa muchanan di school siña canticanan na Papiamento, ya cu e muchanan sa solamente e cancionnan di antes cu nan mayornan ta siña nan. Cu e idea ey na mente el a dicidi di graba e cassette aki y posiblemente den futuro lo bay tin mas ya cu el a bisa cu e tin mas di 100 cancionnan composita, pero ta algun so por a ser poni ariba cassette.

Sr. Reeberg ademá di ta com-

posita cancionnan tambe e ta skirbi poemanan y cuentanan na Papiamento pa muchanan di school. Quizas pronto lo tin un buki cu storia na Papiamento tambe pa e muchanan.

Ariba e cassette tin entre otro cancionnan di "E scalchi bashi, Bunita pushi preto, Bon condicion, Fiesta di shon cacho, Papai su auto, Meentje nos juffrouw, Mi amigo coneu, Cacalaca sabi, Berdura vies, Mi ta traha un cas, Na plaza di Ponton, Bini un bini tur, Tajo bashi, Barbulet, Tjoeng-a-lang, Wega, Bon bisti, Pirokko, Den cunucu, Hamber di famia raton, Apel berde, apel cora y Den Avion".

Compositor di e cancionnan ta

Tromp. Como coro ta Susanne Boekhoudt, Marcia Croes, Niurca Kock, Ton Schouten, Ardeline Diaz, Silvhyanne Vrolijk, y Ghislaine Comenencia bao direccion di Maybelline Arends Croes. E dibujo ariba e portada di e cassette ta di Kaylinn Ho-Sing-Loy.

Pronto e cassette lo worde bautiza pa asina un y tur cera conoci cu e bunita cancionnan. Tambe ta e intencion di reparti e cassette pa schoolnan pa asina e muchanan siña mas canticanan facil na Papiamento.

Tur e proyecto aki a ser haci posibel pa Unoca cu a coopera unanimamente cu e idea aki.

Tur clase di exito ta bay na Sr. Reeberg cu tabata tin e bunita idea di trece un cassette cu cancionnan na Papiamento ariba plaza, ya cu pa hopi tempo tabata tin mester algo asina pa e muchanan di school ya cu manera por corda e muchanan ta siña solamente e cancionnan na Papiamento di antes. Ta di spera tambe cu e schoolnan lo sa di aprecia e bunita gesto aki di Sr. Reeberg.

sr. Robert Reeberg y nan ta worde canta pa Nathalie Maduro. E areglo tabata den man di Juan Tromp y Rob Martis, cu ayudo di musiconan Emile Kelkboom y Juan Tromp y e mixing tambe tabata den man di Emile Kelkboom y Juan